



Na osnovu člana 70., a u vezi člana 32. stav (4) Zakona o javnim nabavkama („Službeni glasnik Bosne i Hercegovine“ broj 39/14) i člana 8. Poslovnika Centralne izborne komisije Bosne i Hercegovine („Službeni glasnik BiH broj 29/19), na preporuku Komisije za javne nabavke od 30.08.2019. godine, Centralna izborna komisija Bosne i Hercegovine je na 47. sjednici održanoj 03.09.2019. godine, donijela

ODLUKU **o izboru najpovoljnijeg ponuđača**

(1) **Okvirni sporazum** za nabavku usluga opravke i servisiranja službenih motornih vozila Centralne izborne komisije Bosne i Hercegovine (u daljnjem tekstu: „Centralna izborna komisija BiH“) zaključuje se sa ponuđačem: **„Autodelta“ d.o.o. Sarajevo, Bolnička 11, 71000 Sarajevo po ponuđenoj cijeni u iznosu od 0,010 KM bez PDV, odnosno 0,011 KM sa PDV.**

(2) Ponuda ponuđača iz stava (1) ove odluke zadovoljavaju uslove utvrđene u predmetnoj tenderskoj dokumentaciji i ocjenjena je povoljnom za dodjelu okvirnog sporazuma.

(3) Okvirni sporazum iz stava (1) ove odluke zaključuje se na iznos od 25.600,00 KM bez PDV, odnosno 29.952,00 KM sa PDV, na period do 3 godine, ili do utroška iznosa procjenjene vrijednosti okvirnog sporazuma počev od dana njegovog potpisivanja.

(4) Ponuđaču iz stava (1) ove odluke, će biti dodjeljen okvirni sporazum u skladu sa elementima iz Ponude, obavještenja o nabavci, uslovima i kriterijima utvrđenim u tenderskoj dokumentaciji.

(5) Ova odluka stupa na snagu danom donošenja.

Obrazloženje

Postupak javne nabavke proveden je putem konkurentskog zahtjeva. Obavještenje o nabavci objavljeno je na portalu Javnih nabavki, broj 794-7-2-142-3-5/19 od 13.08.2019. godine. Primljene su dvije ponude sljedećih ponuđača: „Saradis“ d.o.o. Vogošća, Donji Hotonj bb, 71320 Vogošća i „Autodelta“ d.o.o. Sarajevo, Bolnička 11, 71000 Sarajevo.

Komisija za javnu nabavku imenovana Rješenjem broj: 07-2-16-3-534-2/19 od 09.07.2019. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-535-11/19 od 30.08.2019. godine je u prilogu ove odluke) i uputila preporuku Centralnoj izbornoj komisiji BiH za izbor ponuđača i zaključenje okvirnog sporazuma za nabavku usluga opravke i servisiranja službenih motornih vozila Centralne izborne komisije Bosne i Hercegovine sa **„Autodelta“ d.o.o. Sarajevo, Bolnička 11, 71000 Sarajevo po ponuđenoj cijeni u iznosu od 0,010 KM bez PDV, odnosno 0,11 KM sa PDV, koja je snižena za 99,9 % u postupku e-aukcije u odnosu na početnu ponuđenu cijenu**, i u skladu sa jediničnim cijenama datim u Ponudi broj: 164/AM/2019 od 26.08.2019. godine. Vrijednost okvirnog sporazuma je 25.600,00 KM bez PDV, odnosno 29.952,00 KM sa PDV na period do 3 godine, ili do utroška iznosa procjenjene vrijednosti okvirnog sporazuma počev od dana njegovog potpisivanja.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od pet (5) dana od dana prijema ove odluke.

Broj: 07-2-16-3-535-14/19
Sarajevo, 03.09.2019. godine

Dostavljeno:

1. Ponuđačima
2. Odsjeku za materijalno finansijske poslove
3. web stranicu CIK BiH
3. a/a

